

書名 佛祖歷代通載二十二卷 慶長十七年本國
寺活字印本
撰者 元 釋念常 撰
卷 卷十七
內容分類 子 釋家 史傳
索書號 貴重- 62
編號 C6553700

卷十七

佛祖歷代通載卷第一

嘉興路大中祥符禪寺住持華亭念常集

七佛偈

毗遮佛過去莊嚴劫第九十八尊偈曰身從無相中受生

猶如幻出諸形像幻人心識本來無罪福皆空無

所住長阿含經云人壽八萬歲時此佛出世種刹

利刹利若父槃頭母槃頭婆提居槃頭婆提城

坐波羅樹下說法三會度人三十四萬八千人神

足名騫荼二名提舍侍者無憂子方膺

莊嚴劫第九尊偈曰起諸善法本是幻造諸

彩色首頁1

東洋文化研究所漢籍目錄 編號: C6553700

東洋文化研究所漢籍目錄所藏漢籍善本文全影像資料庫 索書號: 貴重- 62

漢籍善本文全影像資料庫文本佛祖歷代通載二十二卷 慶長十七年本國寺活字印本

版權所有: 東京大學 東洋文化研究所

使用上的注意事項



吳郡步顯鄉刊

所究研京東院學化文方東

No. 154 五



不 許 複 製

NOT TO BE REPRODUCED

東京大学東洋文化研究所



佛祖歷代通載卷第十七

嘉興路大中祥符禪寺住持華亭

念常集

唐

庚辰

懿宗

軍宗長子，好聲樂遊宴，委政羣僚，復迎佛骨而日，生見之，死無恨，年三十六崩，葬簡

陵，在位十四年 改咸通

壬午

杭州大慈山寰中禪師蒲坂人也，姓盧氏，頂骨圓

聳，其聲如鍾，出家於并州童子寺，受心印於百丈

禪師，結茅於南岳，一日南泉至，問如何，是庵中主

師云：蒼天蒼天，泉云：蒼天且置，如何是庵中主？師

云：會即便會，莫忉忉，泉拂袖而出，趙州問般若以

何為躡師云般若以何為躡趙州大笑而出師明日見趙州掃地問般若以何為躡趙州置帚拊掌大笑師便歸方丈師後住浙江大慈山上堂示衆云山僧不解答話只能識病又云說得一丈不如行取一尺說得一尺不如行取一寸問道者衆山素缺水師擬飛錫夜夢神人告之曰勿它之話朝見二虎以爪跑地泉自涌出味甘如飴有僧自岳至乃曰童子泉涸矣移來在此故東坡題詩云亭亭石塔東岡上此老初來百神仰虎移泉眼趁行脚龍作浪華供撫掌至今遊人濯濯罷卧聽空塔

環玦響故知此老如此泉莫作人間去來想咸通三年二月十五日不疾而逝壽八十三臘五十四僖宗謚性空大師定慧之塔

癸未

制署法師知玄爲悟達國師總教門事

乙酉

朗州德山宣鑑禪師劍南人姓周氏博貫三藏嘗講金剛經時以周金剛名之俄慨然曰窮諸玄辯若一毫置於太虛竭世樞機似一滴投於巨浸學與無學吾知之矣乃盡棄其習謁龍潭信禪師問久嚮龍潭及到來潭又不見龍亦不現信曰子親到龍潭是夕師立侍更深信曰何不下去師曰暗

信點紙燭與師師接得信即吹滅師豁然大悟曰
今後更不疑天下老和尚舌頭也即日便辭信語
其徒曰可中有箇漢牙如劍樹口似血盆一棒打
不回頭他時向孤峯上立吾道去在師居澧陽垂
三十年大中初武陵太守薛延望荆德山精舍延
請居之大闡宗風上堂示衆云於已無事則勿妄
求妄求而得亦非得也汝但無心於事無事於心
則虛而靈寂而妙若毛端許言之本末者皆爲自
欺毫釐繫念三塗業因瞥尔情生萬劫羈鎖聖名
凡號盡是虛聲殊相劣形皆爲幻色汝欲求之得

無累乎及其狀之又成大患終而無益僧問如何
是菩提師打云出去莫向這裏脩如何是佛師云
佛是西天老比丘雪峯問從上宗乘以何法示人
師云我宗無語句亦無一法與人至是將終謂衆
曰捫空追響勞汝心神夢覺覺非竟有何事言訖
端坐而逝閱世八十有六臘六十有五時咸通六
年十二月三日也敕謚見性大師具傳

丙戌

鎮州臨濟義玄禪師曹州南華人姓邢氏叅黃蘗
運禪師問如何是佛法的大意聲未絕運便打
如是三度致問三度被打遂辭下山運指往高安

木愚處去師至木愚問黃蘗近日有何言句師曰
某甲三度問佛法的的大意三度被打不知有過
無過愚云黃蘗恁麼老婆心更問有過無過師於
是大悟云元來黃蘗佛法無多子愚擗住曰尿床
鬼子適來問有過無過而今却道黃蘗佛法無多
子汝見箇甚麼師於木愚肋下築三拳愚托開云
汝師黃蘗非干我事師由是再回黃蘗師資契會
大機大用卓冠一時後還鄉徇趙人之請住子城
南臨濟禪苑學徒奔湊師示衆曰赤肉團上有一
無位真人常從女等諸人面門出入未證據者看

時有僧問如何是無位真人師下禪床擗住云道
道其僧擬議師托開云無位真人是什麼乾屎橛
師問樂普云從上來一人行捧一人行喝阿那箇
親對曰捻不親師曰親處作麼生普便喝師乃打
師問木口和上如何是露地白牛木口曰吽師曰
啞木口曰老兄作麼生師曰遮畜生木覺到參師
舉拂子木覺敷坐具師擲下拂子木覺收坐具入
僧堂衆僧曰遮莫是和上親故不禮拜又不喫捧
師聞令喚新到僧木覺遂出師曰大衆道女未參
長老木覺云不審便自歸衆麻谷到參敷坐具問

谷瑜

十二面觀音阿那面正師下繩床一手收坐具一手搗麻谷云十二面觀音向什麼處去也麻谷轉身擬坐繩床師拈拄杖打麻谷接却相捉入方丈師上堂云大眾夫為法者不避喪身失命我於黃蘗和上處三度喫棒如蒿枝拂相似如今更思一頓喫誰為我下得手時有僧曰某甲下得手和上合喫多少師與拄杖其僧擬接師便打僧問如何是第一句師曰三要印開朱點窄未容擬議主賓分曰如何是第二句師曰妙解豈容無著問漚和爭負截流機曰如何是第三句師曰看取棚頭弄

傀儡抽牽全藉裏頭人師又曰夫一句語須具三玄門一玄門須具三要有權有用汝等諸人作麼生會師唐咸通七年丙戌四月十日將示滅乃說傳法偈曰汭流不止問如何真照無邊說似他離相離名如不稟吹毛用了急須磨偈畢坐逝敕謚慧照大師塔曰澄靈具如傳燈

戊子

湖南長沙景岑禪師號招賢初住鹿苑其後居無定所但徇緣接物嘗示眾曰我若一向舉揚宗教法堂裏須草深一丈我不得已向女諸人道盡十方世界是沙門眼盡十方世界是沙門全身盡十

方世界是自己光明盡十方世界在自己光明裏
盡十方世界無一人不是自己我常向女道三出
諸佛共十方法界衆生是摩訶般若光光未發時
女諸人向什麼處委光未發時尚無佛無衆生消
息何處有山河國土來時有僧問如何是沙門眼
師云長長出不得又云成佛成祖出不得六道輪
回出不得僧云未審出箇什麼不得師云晝見日
夜見星僧云學人不會師乃云妙高山色青又青
僧云如何是佛師云衆生色身是僧云河沙諸佛
體皆同如何有種種名字師云從眼根返源名為

文殊耳根返源名為觀音從心返源名為普賢文
殊是佛妙觀察智觀音是佛無緣大悲普賢是佛
無爲妙行三聖是佛之妙用佛是三聖之真躰用
則有河沙假名躰則總名一薄伽梵僧云色即是
空空即是色此理如何師偈云碍處非牆壁通處
勿虛空若人如是解心色本來同問如何是佛性
師偈云佛性堂堂顯現住相有情難見若悟衆生
無我我面何殊佛面問如何是上上人行履處師
云如死人眼問上上人相見時如何師云如死人
手問善財無量劫來爲什麼游普賢身中世界不

通華一七
六
遍師云女從無量劫來還曾遊得徧不問如何是
普賢身師云含元殿裏更問長安問亡僧向什麼
處去師有偈云不識金剛躰却喚作生緣十方真
寂滅誰在復誰行師因臨濟示衆赤肉團上有一
無位真人乃有偈曰萬法一如不用揀一如誰揀
誰不揀即今生死本菩提三世如來同箇眼仰山
問人入盡有這箇事只是用不得師云恰是倩女
用仰云作麼生用師乃踏倒仰山山曰直下似箇
大虫世因名舉大虫

已丑

洞山良价禪師示寂師會稽人姓俞氏幼出家年

二十一往嵩嶽受具首謁南泉值馬祖忌日設齋
泉問衆曰今日設齋未審馬祖還來否衆無對師
乃出對曰待有伴即來泉聞之讚曰此子雖後生
却堪雕琢師曰和上莫壓良爲賤次謁瀉山問曰
頃聞忠國師有無情說法良价未究其微瀉曰我
這裏亦有只是難得其人曰便請和上道瀉曰父
母所生口終不敢道曰還有與和上同時慕道者
不瀉曰此去石室相連有雲岩道人若能撥草瞻
風必爲子之所重師到雲岩問無情說法什麼人
得聞岩曰無情說法無情得聞曰和上還聞不岩

曰我若聞女即不得聞吾說法也曰若恁麼即良
 价不聞和上說法岩曰我說女尚不聞何況無情
 說法耶師乃述偈曰也大奇也大奇無情說法不
 思議若將耳聽終難會眼處聞聲方始知遂辭雲
 岩問什麼處去曰雖離和上未卜所止岩曰早晚
 却來曰待和上有住處即來岩曰自此一去難得
 相見師曰難得不相見又問岩曰和上百年後忽
 有人問還邈得師真如何祇對岩曰但向伊道即
 這是師良久岩曰承當這箇事大須細審師猶涉
 疑後因過水觀影大悟前旨因有偈曰切忌從他

洞山
 悟道
 頌

覓迢迢與我踈我今獨自往處處得逢渠渠今正
 是我我今不是渠應須恁麼會方得契如如大中
 末於新豐山接誘學徒其後盛化於高安之洞山
 嘗因雲岩忌日修齋僧問和上見南泉發跡為什
 麼與雲岩設齋曰我不重先師道德亦不為佛法
 只重不為我說破又僧問和上還肯先師也無曰
 半肯半不肯曰為什麼不全肯曰若全肯即孤負
 先師也師謂眾曰知有佛向上人方有語話分時
 有僧問如何是佛向上人師曰非常師問僧世間
 何物最苦僧曰地獄最苦師曰不然在此衣線下

不明大事寂苦師問僧名什麼曰某甲師曰阿那箇是女主人公曰見祇對次師曰苦哉苦哉今時人例皆如此只是認得驢前馬後將為自己佛法平沉此之是也客中辯主尚末分明如何辯得主中主僧云如何是主中主師云闍黎自道取曰某甲道得即是客中主如何是主中主師曰恁麼道即易相續也大難師將示寂謂衆曰吾有閑名在誰為吾除得衆皆無對有沙弥曰請和上法號師曰吾閑名已謝問和上違和還有不病者不曰有僧曰不病者還看和上不曰老僧看他有分曰和

殼黑角

上爭得看他師曰老僧看他時不見有病又曰離此殼漏子向什麼處與吾相見衆無對遂剃髮披衣令撞鐘湛然而寂時學徒千餘人號慟移時師忽開眸曰夫出家人心不附物是真修行勞生息死於悲何有乃召主事僧令辨愚癡齋一中蓋責其徒戀情也至七日食具方備師隨衆齋畢復謂衆曰僧家無事大率臨行之際勿須誼動明日浴罷端坐長往壽六十三臘四十二謚悟本禪師塔曰寂覺

是歲五月帝幸安國寺賜國師知玄寶座高二丈

爲

鬼羽

稽

占尺

材用沈香塗髮縷龍鳳葩爲金鈿之上施復座陳
 經几其前四隅立瑞鳥神人高數丈磴道以陞前
 被綉囊錦襜珍麗絕甚時宮中日齋萬僧帝自爲
 贊唄宰相蕭倣諫以爲天竺法割愛取滅非帝王
 躬踐今筆梵言口梵音不若徵謬賞濫罰振殃祈
 福况佛者可以悟取不可以相求懿宗雖不納然
 嘉美其言玄姓陳氏世號陳菩薩三學洞貫名蓋
 一時異跡尤多及僖宗避巢賊幸成都遣御史郭
 遵賈全書徵赴行在帝素重其名引對大悅賜號
 悟達國師留行宮久之辭歸九隴忽定中見菩薩

錯

厝音

降其室摩玄頂演深妙音而慰安之言訖即隱俄
 一珠入玄左股隆起楚甚上有晁錯二字玄知夙
 債也即右脇安卧而逝著述凡二十餘萬言行于
 世弟子僧徹徹弟子覺暉俱有重名三世為僧統
 或謂玄前身蓋漢川三學山知鉉法師鉉在世嘗
 講十地品感地變金色及終感病與玄絕類

庚寅

裴相國傳

咸通十一年相國裴休薨休字公美孟州人兒時
 與兄弟偕隱晝講經夜著書終年不出戶有饋鹿
 者諸生薦之休不食曰蔬食猶不足今一啗肉後
 何以繼擢進士第累更內任嘗出刺洪州一日入

藉慈

龍興寺觀壁畫歎曰容儀可觀高僧何在時有數僧對不愜休曰此間莫有禪者麼僧云近一僧至似禪者休命召乃黃蘗運禪師時未顯名休以前問扣之運高聲曰裴休休應諾運曰在什麼處休豁然從此契遂迎入府第旦夕問法及移鎮宛陵亦命與俱由是深徼法源復與圭峯密禪師道緣尤密大中時執政六年次歷諸鎮節度薨年七十有四休能文章書楷適媚有體法為人醞藉操守嚴正進止雍閑軍宋嘗曰休真儒者居常不御酒肉著釋氏文數萬言其圭峯禪源諸詮序曰禪師

禪源詮序

集禪源諸詮為禪藏而都序之休曰未嘗有也自如來現世隨機立教菩薩間生隨病指藥故一代時教開深淺之三門一真如心演性相之別法馬龍二士皆弘調御之說而空性異宗能秀二師俱傳達磨之心而頓漸殊稟天畀專依三觀牛頭無有一法江西舉躰全真荷澤直指知見其他空有相破真妄相攻及奪順取密指顯說故西域中夏其宗實繁良以病有千源藥生多品投機隨器不得一同雖俱為證悟之門盡是正真之道然諸宗門下通少局多故數十年來師法益壞以承稟為

荷音

門戶各自開張以經論爲戈矛互相攻擊情隨函
矢而迂變法逐人我以高低是非紛拏莫能辨析
則向者卍尊菩薩諸方教宗適足以起諍後人增
煩惱病何利益之有哉圭峯禪師久而歎曰予丁
此時不可默矣於是以如來三種教義印禪宗三
種法門融瓶槃釵釧爲一金攪酥酪醍醐爲一味
振綱領而舉者皆順據會要而來者同趨尚恐學
者之難明也又復直示宗源之本末真妄之和合
空性之隱顯法義之差殊頓漸之同異遮表之回
互權實之淺深通局之是非莫不提耳而告之指

瞻計一

掌而示之頓呻以吼之柔和以誘之乳而藥之恐
性命之天殤也保而護之念水火之漂焚也揮而
散之悲闢諍之牢固也大明不能破長夜之昏慈
父不能保身後之子若吾師者捧佛日而委曲回
照疑瞻盡除順佛心而橫亘大悲窮劫蒙益是則
卍尊爲闡教之主吾師爲會教之人本末相符遠
近相照可謂畢一代時教之能事矣或曰自如來
滅後未嘗大都而通之今一旦違宗趣而不守廢
闕防而不據無乃乖秘藏密契之道乎荅曰佛於
法華經涅槃會上亦以融爲一味但昧者不覺故

癸巳

鷓鴣律餘
城倉歷

涅槃經云、迦葉菩薩曰、諸佛有密語、而無密藏、世尊讚歎曰、如來之言、開發顯露、清淨無翳、愚人不解、謂之秘藏、智者了達、則不名藏、此其證也、故王道興則外戶不閉、而宇在夷狄、佛道備則諸法總持、而防在外魔、不當復執情攘臂於其間也、嗚呼、後學當取信於佛、無取信於人、當取證於本法、無取證於末習、能如是、則可以報圭峯之劬勞德矣、咸通十四年三月庚午、詔兩街僧於鳳翔法門寺迎佛骨、於是、以金銀為剎珠、玉為帳孔、鷓鴣周飾之、小者尋丈、高者倍之、刻檀為簷柱、陞城塗黃金、每

一剎數百人舉之、香輿前後係道、綴玉瑟瑟、幡蓋殊綵、以為幢旌、費不貲限、以四月八日至京師、綵觀夾道、天子御安福門樓迎拜、引入內道場、三日、後出京城、諸寺詔賜兩街僧金帛、京師耆老、又見、死和事者、悉厚賜、所過鄉聚、皆裹土為剎、相望於途、光景晝見、京城高貲、相與集大衢、作僧臺、繆關、注水銀為池、金玉為樹、集桑門羅像、設考鼓、鳴螺、繼日夜下詔曰、朕以寡德、續承洪業、十有四年、頃值寇興、王師未息、朕憂勤在位、愛育生靈、遂尊崇釋教、至重玄門、迎請真身、為百姓祈福、今觀觀之、

狴邊

衆隘塞路岐載念狴牢寢興在慮嗟我黎人陷于刑辟况漸當暑毒繫於縲綆京畿及天下諸州府見禁囚遞減死一等明年四月詔送佛骨歸于鳳翔都人耆耄辭餞皆嗚咽流涕

新史贊曰人之惑怪神也甚哉若佛者特西域一槁人耳裸頂露足以乞食自資癯辱其身屏營山樊行一槩之苦本無求於人徒屬稍稍從之然其言荒茫湯靡夷幻變現善推不驗無實之事以鬼神死生貫為一條據之不疑培嗜欲棄親屬大抵與黃老相出入至漢十四葉書入中國蹟夫生人

鞅丁

之情以耳目不際為奇以不可知為神以物理之外為畏以變化無方為聖以生而死死而復生回復償報歆艷其間為惑然以賤近貴遠為喜鞅譯差舛不可研詰華人之謫誕者又攘莊周列禦寇之說佐其高層累架騰直出其表以無上不可加為勝妄相夸協而唱其風於是自天子建庶人皆震動而奉祀之初宰相王縉以緣業事佐代宗始作內道場晝夜梵唄異襪冠戎大作孟蘭肖祖宗像分供寺塔為賤臣嘻笑至憲宗遂迎佛骨於鳳翔內之宮中韓愈指言其弊帝怒竄愈瀕死憲亦

哉側吏

疹吐安

弗克天年幸福而禍無乃左乎懿宗不君精爽奪迷復蹈前車而覆之興衰無知之場巧庇百解之哉以死自誓無有顧藉流涕拜伏雖事宗廟上帝無以進焉屈萬乘之貴自等於古胡數千載而遠以身為殉嗚呼運疹祚殫天告之矣懿不三月而殂唐德之不競厥有來哉

論曰甚矣宋景文公詆毀吾先師之厚也屢欲直其辭而為之解嘲及得木顛對退之之論李節贈疏書之叙凡予所欲言者彼既言矣故不別論且憲懿二宗誠為崇奉太過至於高祖沙

汰二教詔下而位移武宗大滅釋氏未逾歲而被禍此亦不得不懼也雖然真佛也者聖凡之大本也體與太虛等徧用與衆庶同功無為而無所不為無在而無所不在然則心外見佛而過奉之者非正見也昧乎大本而故毀之者即自毀也景文斥其奉之之弊而匿其毀之之失豈良史之謂哉

甲午 僖宗儼懿第五子十一即位年二十七崩葬靖陵

改乾符○是歲并州民生
○子二頭四手
○聚衆於長垣

乙未 ○高駢破
○王仙芝作亂
○南詔
○黃巢應之

已亥是歲十一月兩日並出而闔

庚子

改廣明

○田令孜奉天子西走○巢賊入長安國号○李克用

辛丑

改中和

○上自興元入蜀○拓拔思恭以兵赴難以之權夏綏

西夏始此

節度使

澧州夾山善會禪師廣州峴亭人也姓廖氏九歲於潭州龍牙山出家依年受戒往江陵聽習經論該練三學遂參禪會勵力參承初住京口一夕道書策杖而至遇師上堂僧問如何是法身師曰法身無相曰如何是法眼師曰法眼無瑕師又曰目前無法意在目前不是目前法非耳目所到道喜

聯直引

乃笑師乃生疑問吾何笑吾曰和上一等出世未有師可往浙中華亭縣參船子和上去師曰訪得獲否道喜曰彼師上無片瓦遮頭下無卓錫之地師遂易服直詣華亭會船子鼓櫂而至師資道契微朕不留語見船子草師比欲遁世忌機尋以學者交湊廬室星布曉夕參依唐咸通十一年庚寅海眾卜于夾山遽成院宇師上堂示眾曰夫有祖以來時人錯會相承至今以佛祖句為人師範如此却成狂人無智人去他只指示汝無法本是道道無一法無佛可成無道可得無法可捨故云目前無

法意在目前他不是目前法若向佛祖邊學此人
未有眼目皆屬所依之法不得自在本只為生死
茫茫識性無自由今千里萬里求善知識須有正
眼永脫虛謬之見定取目前生死為復實有為復
實無若有人定得許女出頭上根之人言下明道
中下根器波波浪走何不向生死中定當取何處
更疑佛疑祖替汝生死有智人笑女偈曰勞持生
死法唯向佛邊求目前迷正理撥火覓浮漚僧問
從上立祖意教意和上此間為什麼言無師曰三
年不食飯目前無飢人曰既無飢人某甲為什麼

不悟師曰只為悟迷却闍黎師說頌曰明明無悟
法悟法却迷人長舒兩脚睡無偽亦無真僧問如
何是夾山境師曰猿抱子歸青嶂裏鳥啣華落碧
岩前師再闢玄樞迨于一紀唐中和元年辛丑十
一月七日召主事曰吾與眾僧話道累歲佛法深
旨各應自知吾今幻質時盡即去女等善保護如
吾在日勿得雷同世人輒生惆悵言訖至于夜奄
然而逝其月二十九日塔于本山壽七十七臘五
十七敕謚傳明大師塔曰永濟

壬寅

○八月巢所署同州防禦使朱溫來降賜名全忠

癸卯

○四月李克用等與巢賊于渭橋敗之復京都

甲辰

○七月李師悅追黃巢於狼窟谷其甥林書斬巢首降

乙巳

光啓三月帝歸于京師

○十二月王重榮敗績帝奔于鳳

翔沙陘之兵入于京師剽掠焚蕩遂爲丘墟焉自是天下崩裂大亂

丁未

是歲岩頭豁禪師示寂師泉州人姓柯氏少落髮抵長安受具游講席習經律次與雪峯欽山結伴優游禪苑初造臨濟值濟迂化見仰山才入門提起坐具云和上仰山擬取拂子舉之師曰不妨好手次見德山執坐具上法堂瞻視山曰作什麼師喟之山曰老僧罪過在什麼處師曰兩重公案便

驪
賣

下參堂山曰這箇阿師稍似箇行脚人至來日上問訊山曰閣梨什麼處學得這箇虛頭來師曰全豁終不自謾山曰向後不得辜負老僧雪峯在德山作飯頭一日飯遲德山托鉢至法堂上峯驪飯巾次見德山云這老漢鍾未鳴鼓未響托鉢向什麼處去德山便歸方丈峯幸似師師云大小德山不會末後句山聞令侍者喚師至方丈問汝不肯老僧那師密啓其意德山至來日上堂與尋常不同師到僧堂前撫掌大笑云且喜得老漢會末後句他後天下人不奈何雖然如此也只得三年德

山果三年後迂化問古帆未掛時如何答後園驢
喫草上堂謂衆曰吾嘗究涅槃經見三段文似衲
僧說話又曰休休有僧禮拜請益師曰經云吾教
意如伊字三點第一向東方下一點點開諸菩薩
眼第二向西方下一點點諸菩薩命根第三向上
方下一點點諸菩薩頂此是第一段義又曰吾教
意如摩醯首羅劈開面門豎亞一隻眼此是第二
段義又曰吾教意猶塗毒鼓擊一聲遠近聞者皆
喪是第三段義時小岩上座問如何是塗毒鼓師
以兩手按膝亞身曰韓信臨朝底問浩浩塵中如

何辨主師曰銅沙鑼裏滿盛油問如何是道師曰
破草鞋拋向湖裏著或問佛問法問道問禪者師
皆作噓聲嘗謂衆曰老漢去時大吼一聲了去其
後中原盜起衆皆辟地師端居自如一日賊大至
責以無供餽遂刺刃焉師神色不動大叫一聲而
終壽六十有一後唐追謚清嚴大師有嗣法羅山
能世其高風云

剗

側吏

戊申

改元德三月帝崩

己酉

昭宗擘懿第七子為君俊穎有興復志而外忠已
成內無賢佐雖有智勇而不能為年三十八為朱

全忠等弒于御帳葬和陵在位十六年改龍紀

庚戌改大順。此下隨所在十三處附唐末并五代年紀雷氏曰

西秦茂貞 茂貞號秦鳳翔三七

吳衍蜜 揚吳淮南四主四六

吳越鏐 錢杲吳越五主八四

燕守光 守光僭燕一十九年

趙殷 馬楚湖南五主五七

蜀建 王建前蜀二主三五

荆季興 季興荆南五主五七

閩審知 王閩福建五主五五

南漢隱 南漢隱廣五主六七

蜀知祥 知祥後蜀二主四一

南唐昇 李唐江南三主三九

殷延改 延改号殷建州三年

東漢景 東漢崇原四主二八

西秦茂貞 字正臣本姓宋名文通深州博野人祖鐸父端皆隸博野軍為小校

廣明中破巢功大儀幸興元賜姓李氏名茂貞明年天子歸宮封鳳翔節度進封隴西郡王自此蚕食河西有山南十四州地據鳳翔二十七年同光二年卒矣

是年仰山慧寂禪師示寂韶州懷化人也姓葉氏年十五欲出家父母不許後二載師斷手二指跪



劬俱權

致父母前誓求正法以答劬勞遂依南華寺通禪
 師落髮未登具即遊方初謁耽源已悟玄旨後參
 瀉山遂外堂奧祐問曰女是有主沙弥無主沙弥
 曰有主曰在什麼處師從西過東立瀉知是異人
 便垂開示師問如何是真佛住處瀉曰以思無思
 之妙返思靈燄之無窮思盡還源性相常住事理
 不二真佛如如師於言下頓悟自此執侍十有五
 載凡有言句皆為後世宗範一日師問瀉山曰和
 上浮漚識近來寧未瀉山云我無來經五年也仰
 曰若恁麼和上如今身前應普超三昧頂瀉山云

未。在。仰。曰。性。地。浮。漚。尚。寧。然。燈。身。前。何。故。未。瀉。山
 云。理。則。如。是。我。未。敢。保。任。仰。曰。如。何。是。未。敢。保。任
 處。瀉。山。云。女。莫。口。解。脫。女。豈。不。聞。安。秀。二。師。被。則
 未。試。入。水。始。知。有。長。人。到。這。裏。鐵。佛。也。須。汗。出。寂
 子。女。大。須。修。行。莫。終。日。口。密。及。領。衆。住。玉。葬。山。一
 日。禪。床。陷。入。地。中。地。神。告。以。此。不。任。和。上。居。止。東
 南。有。大。仰。山。乃。人。間。福。地。遂。遷。止。仰。山。示。衆。曰。女
 等。諸。人。各。自。回。光。返。照。莫。記。吾。言。女。無。始。劫。來。背
 明。投。暗。妄。想。根。深。卒。難。頓。拔。所。以。假。設。方。便。奪。女
 粗。識。如。將。黃。葉。止。啼。有。什。麼。是。處。亦。如。人。將。百。種

齧魚
結

貨物與金寶作一鋪貨賣祇擬輕重來機所以道石頭是真金鋪我這裏是雜貨鋪有人來覓鼠糞我亦拈與他來覓真金我亦拈與他時有僧問鼠糞即不要請和上真金師云齧鏃擬開口驢年亦未會師云索喚則有交易不索喚則無我若說禪宗身邊要一人相伴亦無豈况五百七百衆耶我若東說西說則爭頭向前採捨如將空拳誑小兒都無實處我今分明向女說聖邊事且莫將心湊泊但向己性海如實而修不要三明六通何以故此是聖末邊事如今且要識心達本但得其本不

愁其未他時後日自具去在若未得本縱饒將情學他亦不得豈不見瀉山和上道凡聖情盡躰露真常事理不二即如如佛師因歸瀉山省觀祐問子旣稱善知識爭辨得諸方來者知有不知有有師承無師承是義學是玄學子試說看師曰慧寂有驗處但見諸方僧來便豎起拂子問伊諸方還說這箇不說又曰這箇且置諸方老宿意作麼生祐嘆曰此是從上宗門爪牙祐問大地衆生業識茫茫無本可據子作麼生知他有之與無師曰慧寂有驗處時有一僧從面前過師召云闍黎僧回

鄭相
公問
法

首師曰和上這箇便是業識茫茫無本可據祐曰此是師子一滴乳能散六斛驢乳鄭愚相公問不斷煩惱而入涅槃時如何師豎起拂子公云入之一字不要亦得師云入之一字不為相公師問雙峯師弟近日見處如何對曰據某甲見處實無一法可當情師曰汝解猶在境雙峯曰某甲只如此師兄如何師曰汝豈無能知無一法當情者為山聞云寂子一句疑殺天下人僧問禪宗頓悟畢竟入門的意如何師曰此意極難若是祖宗門下上根上智一聞千悟得大捻持此根人難得其有根

微智劣所以古德道若不安禪靜慮到這裏捻須茫然僧曰除此格外還別有方便令學人得入也無師曰別有別無令女心不安汝是什麼處人曰幽州人曰女還思彼處不日常思師曰彼處樓臺林苑人馬駢闐女反思思底還有許多般也無曰某甲到這裏一切不見有師曰女解猶在境信位即是人位即未是據女所解只得一玄得坐披衣向後自看瀉山一日復問師曰女向後記得人不師曰若記只記見解瀉曰何以如此師曰西竺般若多羅識二千年事至時毫髮不移曹溪亦識身

後有難及至亦無爽今時還得不為曰此是行通
我是自宗通亦是學禪末問六通師曰某謂見解
宗通語絕滲漏屬語密行解照用自辨清濁業屬
意密其未齊曹溪與般若多羅不敢輒記為山深
然之先是師預示偈曰吾年七十七老去是今日
任性自浮沉兩手攀膝屈至是兩手抱膝而逝師
之異迹及垂識記具存本山實錄

壬子 改景福

甲寅 改乾寧

丁巳 ○吳衍密字化源姓楊氏廬州合肥人家世微

賤有膂力能舉千斤日行三百里為本州步
健破巢功大昭宗封淮南王進封楚王梁祖
封吳王卒是年始封至梁祖二年據廬州十
二年壽五十四子渥據淮南

論式

乾寧四年趙州從諗禪師示寂閱歲一百二十師
曹州人姓郝氏落髮未具戒便造南泉泉一見深
器之一日問如何是道泉云平常心是道師曰還
可趣向不曰擬向即乖師曰不擬如何知是道泉
云道不屬知不屬不知知是妄覺不知是無記若
真達不疑之地猶如太虛廓然虛豁豈可強是非

耶師於言下大悟自是周旋南泉之門凡二十年
次遍歷諸方後歸北地衆請住趙州觀音古剎示
衆曰如明珠在掌胡來胡現漢來漢現老僧有時
將一枝草作丈六金身用有時把丈六金身作一
枝草用佛是煩惱煩惱是佛問曰未審佛是誰家
煩惱師云與一切人煩惱僧云如何免得師云用
免作麼問師還入地獄不答云老僧未上入僧云
大善知識爲什麼却入地獄師云若不入阿誰教
化女真定帥王公携諸子入院師坐而問曰大王
會麼王云不會師云自小持齋今已老見人無力

下禪床王公加禮而去一日示衆曰金佛不度爐
木佛不度火泥佛不度水真佛屋裏坐菩提涅槃
真如佛性盡是貼躰衣服亦名煩惱不問即無煩
惱且實際理地什麼處著得一心不生萬法無咎
女但究理坐看三二十年若不會道截取老僧頭
去夢幻空華何勞把捉心若無異萬境一如既不
從外得更拘執作什麼如羊相似拾物安向口裏
老僧見藥山和上道有人問著便交合取狗口老
僧亦交合郊口師之玄言天下推為宗門妙唱云

戊午

改光化 ○聖胄集成

華岳李偉禪師編次貞元
已來宗師機緣行于位

庚申 上與崔胤謀誅宦官 劉季述等以禁軍劫天子幽於少陽院矯詔立太子即帝位

辛酉 改天復 韓全誨等劫帝幸鳳翔

雲居道膺禪師示寂師幽州玉田人叅洞山价公契悟宗旨价深可之曰此子已後千萬人把不住一日問曰昔南泉問講彌勒下生經僧云彌勒什麼時下生僧曰見在天宮當來下生南泉云天上無彌勒地下無彌勒師問只如天上無彌勒地下無彌勒未審誰與安名洞山直得禪床震動乃曰膺闍黎及結庵于後洞日感天厨奉供洞山勉令隨方接人遂登雲居學徒奔湊至一千五百衆嘗

示衆曰古人云地獄未是苦若向此衣單下不明大事却是寂寞女等既在這箇行流十分去九不較多也更著些子精彩便是上座不屈平生行脚不辜負叢林古人道欲得保任此事須向高高峯頂立深深海底行方有些子氣力汝若大事未辦須履踐玄途又曰汝等師僧家發言吐氣須有來由凡問事須識好惡尊卑良賤信口無益傍家到處覓相似語言所以尋常向兄弟道莫恠不相似恐同學太多去第一莫將來不相似八十老人出塲屋不是小兒戲一言參差千里萬里難為收攝

製 複 許 不

醜十四

直至敲骨打髓須有來由言語如鉗夾鈎鎖相續不斷始得頭頭上具物物上新可不是精得妙底事道女知有的人終不取次十度擬發言九度却休去爲什麼如此恐怕無利益躡得的人心如膈月扇口邊直得醜出不是汝強爲任運如此欲得恁麼事須是恁麼人既是恁麼人何愁恁麼事學佛邊事是錯用心假饒解得千經萬論講得天華落石點頭亦不于自己事况乎其餘有何用處若將有限心識作無限中用如將方木逗圓孔多少差訛設使攢華簇錦事事及得盡一切事亦只喚

作了事人無過人終不喚作尊貴將知尊貴邊著得什麼物不見從門入者非寶捧上不成龍知麼又曰如好獵狗只解尋有踪跡底忽遇羚羊掛角莫道跡氣亦不識僧問羚羊掛角時如何師曰六六三十六曰不會師云不見道無蹤跡一僧在房內看經師隔窓問閣黎念者是什麼經對曰維摩經曰不問維摩經念者是什麼經其僧有省師臨終前期五日為衆開窠後方便序出世始末衆皆愴然至時端坐而化後唐謚曰弘覺禪師

甲子十六

改天祐正月朱全忠奉天子遷洛陽八月殺之而立少子祜年十二

乙丑

哀帝祝天祐二年

○華竟天○昭第九子朱全忠

政稟全忠年十七歲梁王使劉霸
害焉葬温陵謚景宗在位三年

丙寅

滌王紉

昭之子少帝遇鳩暴崩梁王與百僚號慟衆
議即位如周公故事天祐四年禪位于梁

紉倫

遇鳩而卒右唐十九帝不與凡二百九十年而朱温

五代

叙曰後梁朱氏篡唐閱五朝八姓十有三君五十
三載歐陽文忠公法春秋著為五代史古所謂春
秋作而亂臣賊子懼然自秦漢而下禍起蕭牆變
生肘腋君臣父子之際所不忍願聞者奚更不懼
之多乎予嘗以唐新舊本紀參校粗見文忠師仰

春秋略例紀事褒貶之妙非他史所及因采數十
端著新唐史本紀略例一篇及得五代史閱其自
發述作之意與予言亦頗合然舉春秋宗王之作
裁正唐史可也以之致虛名盛禮而歆艷五代之
君不幾於枉設乎朱全忠弒昭宗滅唐祚雖王莽
劉曜之惡不足以比之及其有國父父子子更相
屠僂不殊犬豕之死正吾教善惡因果之効也文
忠茂視而不取特假春秋義魏位號朝儀以貴之
卒無一辭深誅痛責使後世忠良閱之曷以泄膏
中之不平乎荆國王文公嘗歎惜文忠不修晉書

而修五代史予之言蓋文公歎惜之意也至於李克用石敬瑭劉知遠皆突厥沙陁夷狄之種宋全忠郭威乃中國人反不若三夷狄近人類也郭威代漢及養子世宗頗有聲然議者驟見而未知詳

丁卯

梁太祖溫改開平○僖宗賜名全忠禪唐之後更

名晁字匡聖本宋州碭山午溝里人父曰誠以

五經教之果篡唐祚年六十一為子友瑋弒矣

在位六年都汴遷洛○雷氏曰梁祖朱溫庶人末帝三主十七

吳越鏐字具美姓錢氏杭州臨安人少無賴開散僖宗時為董昌偏將以弩射死

黃巢先鋒斬首數百巢不敢犯臨安昌以為都指揮昌亦叛鏐以狀聞昭宗昭以鏐

為浙東招討使既下畱進封天下兵馬都元帥至梁進封吳越王後唐莊入洛賜王

冊金印因稱吳越王壽八 ○雷氏曰錢忱十一立杭州二十一年

燕守光姓劉氏深州樂壽人父仁恭事幽州李可有大勳烈光亦如之八月自号

大燕皇帝改元應天立幽州十九年 ○雷氏曰守光僭燕一十九年

戊辰

五月雪峯義存禪師示寂師泉州人姓曾氏十七

落髮往幽州受具綿歷禪會緣契德山咸通中登

象骨山雪峯剎院玄侶奔萃懿宗賜號真覺大師

上堂僧問拈提豎拂不當宗乘和尚如何指示師

豎起拂子其僧抱頭而出師乃不顧道憇問只如

憇無芳

莞
合版

古德豈不是以心傳心師曰兼不立文字語句惲曰只如不立文字語句師如何傳師良久惲禮拜師曰更問我一轉豈不好惲曰就和上請一轉話頭師曰只恁麼唯別有商量曰和上恁麼即得長慶問從上諸聖傳受一路請師垂示師默然長慶禮拜而退師莞尔而笑師有時謂衆曰堂堂密密地道惲出問曰是什麼堂堂密密師起立曰道什麼惲退步而立師垂語曰此事得恁麼尊貴得恁麼綿密惲對曰某甲到來數年不聞和上恁麼示誨師曰我向前雖無如今已有莫有妨麼曰不敢

如此和上不已而已師曰致使我如此惲從此信入因普請次師舉瀉山見色便見心語問惲還有過也無惲曰古人為什麼事師曰雖然如此要共女商量曰恁麼即不知道惲鋤地去又嘗普請次師問皎然曰古人道誰知席帽下元是昔愁人古人意作麼生皎然側戴笠子曰這箇是什麼人語又問曰持經者能荷擔如來然乃捧師向禪床上著一日紹鄉隨師經行次見芋葉動師指動葉示之鄉曰某甲怕怖師曰是汝屋裏底怕怖什麼紹鄉從此開悟安國弘瑫叅師師曰甚處來曰江西

撈初尤

師曰什麼處見達磨曰分明向和上道師曰道什麼瑫曰什麼處去來一日師見瑫忽撈住云盡大地是解脫門把手教伊入不肯入曰和上恠弘瑫不得師曰雖然如此爭柰背後許多師僧何太原孚上座參師禮拜訖立於座右師才顧視孚便下看主事異日師見孚指日示之孚搖手而出師曰汝不肯我孚曰和上搖頭某甲擺尾什麼處不肯和上師曰到處也須諱却一日衆僧晚參師在中庭卧孚曰五州管內只有這和上較些子師便起去師居閩川四十餘年法席之盛卓冠天下常不

一千五百衆臨終出遊藍田莫歸浴畢中夜示寂壽八十有七

十一月亥沙師備禪師示寂師少爲漁家子年甫三十始出家具戒習頭陀行與雪峯師資道契雪峯每歎曰備頭陀再來人也閱楞嚴經發明心地由是應機敏捷與修多羅冥契諸方玄學者有所未決必從之請益師上堂時久衆謂不說法一時各歸師乃呵之曰看搵是一樣底無一箇有智慧但見我開兩片皮盡來簇著覓言語意度是我真實爲他却搵不知看恁麼大難大難十方諸佛把

女向頂上著不敢錯悞著一分子只道此事唯我能知會麼如今相紹繼盡道承釋迦我道釋迦與我同參汝道參阿誰會麼汝今欲得出他五蘊身田主宰但識取汝秘密金剛體古人向汝道圓成正徧周沙界我今少分爲汝智者可以譬喻得解汝見此閻浮提日麼世間人所作興營養身活命種種作業莫非承他日光成立只如日體還有多般及心行麼還有不周遍處麼欲識此金剛體亦如是只如今山河大地十方國土色空明暗及汝身心莫非盡承汝圓成威光所現直是天人群生

類所作業次受生果報有性無情莫非承女威光乃至諸佛成道果接物利生莫非盡承女威光只如金剛體還有凡夫諸佛麼有女心行麼不可道無便當去女既有如是奇特會麼努力珍重師初住梅溪後居玄沙一時天下叢林海衆皆望風欽服閩帥王公待以師禮學徒垂千人室戶不閉師應機接物垂二十年所演法要有大錄行于世沒年七十有五閩帥賜號宗一禪師

鄢於憲

楚殷

字霸圖姓馬氏許州鄢陵人世爲農家

丙子始建國立郡州雷氏曰馬楚湖南十四年壽七十九

蜀建

字光圖，姓王氏，許州武陽人。佐唐有功，封西平王。進封蜀王，遂有鼎分之志。昭宗遇弒，少帝禪梁，卒哭哀慟，文武勸進，遂立成都，號蜀，十二年卒，壽七十二，改武成。

○雷氏曰：主建前五

荆季興

字貽孫，陝州硤石人。本名李昌，少為賈養，為子，易姓朱氏。興因讓故得見梁祖，祖見奇之，亦命為子。因姓朱氏，後拜宋州刺史，破青州，徙潁陽防禦，進封勃海王。復姓高氏，唐莊宗開蜀有功，封南平王。吳人冊之，立荆南二十四。

雷氏曰：季興荆南五主五七

吳渥

字承天，蜜長子。蜜病出鎮宣州，嗣立淮。南一年，壽二十三，為溫灝殺之。○隆演

閩審知

字信通，姓王氏，光州固始人。兄潮，唐封福州觀察，既卒，知代征伐有功。唐

宋進封琅琊王，至梁祖加拜為新書令。雷氏曰：五主五五

庚午

南岳山惟勁頭陀，集光化以來出世宗師，機緣為

續寶林傳

辛未

改乾化。○南漢隱，姓劉氏，上蔡人也。其祖父後

為廣州牙將，破巢，為封州刺史。既卒，州人表隱代之。事唐勳烈，昭宗封為南海王。天祐二年，進封安南都護。三年，封南平王。今梁又雷氏曰：南海王，後貞明三年卒，壽三十八。隱廢廣五主六七

壬申

梁祖疾甚，郢王友珪左遷，萊州刺史不行，乃微行詣左龍虎統軍韓勅，謀入伏禁中。友珪僕夫馮

廷鐔刺帝于寢殿矯詔友瑋權主軍國之務發喪即帝位初梁祖溫略地於宋毫間偶與逆旅婦人野合而生立未一年友貞敗為庶人改年元鳳

癸酉

末帝友貞一名瑱溫第三子聞友瑋亂起兵討之

既殺友瑋命趙鼎傳國寶至汴迎王即位更名

鏗且都汴蓋祖地矣唐使皇甫麟滅之在位十年

復稱乾化

乙亥 改貞明

丙子 晉兵七萬來伐○遼主阿保機稱帝立國號大契

丹改元天贊遼之始也

中國簡冊所不載遠夷草昧無可考故其年代

不可得而詳也其父軒聖為夷裔中猶中國劇史主生而拓落多智雄捷有膽畧好騎射鐵厚一寸而洞之夜寢則有光左右莫不驚諸部畏服之有宋相安至天祚為金滅之治國十一年

明州奉化縣布袋和尚者未詳氏族自稱名契此

形裁服膈蹙額皤腹出語無定寢卧隨處常以杖

荷一布囊凡供身之具盡貯囊中入剽肆聚落見

物則乞或醢醢魚殖才接入口只少許投囊中時

號長汀子布袋師也嘗雪中卧雪不沾身人以此

奇之或就人乞其貨則售示人吉凶必應期無忒

天將雨即著濕草履途中驟行遇亢陽即曳高齒

服 罪烏 罪奴

乞音弃

木履市橋上豎膝而眠居民以此驗知有一僧在師前行師乃拊僧背一下僧迴頭師曰乞我一文錢曰道得即與女一文師放下布袋叉手而立申鹿和上問如何是布袋師便放下布袋又問如何是布袋下事師負之而去先保福和上問如何是佛法大意師放下布袋叉手保福曰為只如此為更有向上事師負之而去師在街衢立有僧問和上在遮裏作什麼師曰等箇人曰來也來也婦宗曰乞我一文錢師有歌曰只箇心心是佛十方

世界最靈物縱橫妙用可憐生一切不如心真實騰騰自在無所為閑閑究竟出家兒若觀目前真大道不見纖毫也大奇萬法何殊心何異何勞更用尋經義心王本自絕多知智者只明無學地非聖非凡復若乘不疆分別聖情孤無價心珠本圓淨凡是異相妄空呼人能弘道道分明無量清高稱道情携錫若登故國路莫愁諸處不聞聲又有偈曰一鉢千家飯孤身萬里遊青目覩人少問路白雲頭梁貞明二年丙子三月師將示滅於嶽林寺東廊下端坐磐石而說偈曰弥勒真弥勒分身

千百億時時示時人時人自不識偈畢安然而化其後他州有人見師亦負布袋而行於是四衆競圖其像今嶽林寺大殿東堂全身見存

漢龔 初名嵩隱之庶子生于外舍身長七尺承父龔封南海王是年建國号越二年

更號漢壽五十四卒立三十一年龔者蓋採周易飛龍在天之義尔

蜀衍 字化源建之第十一子母曰徐賢妃以寵得立為太子建亡即位荒淫自恣委

政宦者改太光立六年唐郭崇韜伐之

吳溥 蜜第四子立不改号治十七年壽二十八南唐暴滅之

辛巳 改龍德

癸未 上聞李嗣源兵至令皇甫麟殺已嗣源兵入城國亡

右朱梁二主共一十七年 晉李存勗滅之

後唐 姓李氏王土德都汴洛起太原 雷氏曰 唐武克用莊明閔未四主十五

武皇帝克用 世号朱耶出于突厥後自號沙池以朱耶為姓烈考朱耶赤心以徐州功

大懿宗賜姓李氏俾定天下莊宗即位天祐五年薨葬陵鴈門界

莊宗存勗 太祖嫡子母曹后帝英武善戰滅梁代之自繼祖二年立至同光三年四十三

歲崩葬河南雍陵 改同光

甲申 朝廷封李茂貞為秦王○高季興為南平王

魏府興化存獎禪師詔入內庭帝問禪要御賜馬

一疋不慣墜馬傷足至次年示疾帝一日謂師曰

朕收大梁得一顆無價明珠未有人酬價師曰請

陛下珠看帝以手展開幙頭脚師曰君王之寶誰敢酬價師化後勅謚廣濟大師塔曰通濟師嘗問僧什麼處來曰崔禪處來師曰將得崔禪喝來否曰不將得來師曰恁麼即不從崔禪來僧便喝師遂打師示衆曰我只聞長廊下也喝後架裏也喝諸子女莫盲喝亂喝直饒喝得與化向半天裏佳却撲下來氣欲絕待與化蘇息起來向女道未在何故我未曾向紫羅帳裏撒真珠與女諸人虚空裏亂喝作什麼師勸克賓語具傳燈

乙酉

朝廷遣周德威執劉守光至鴈門

今存霸刺心血祭祖已斬之于市

吳溥

於石頭城上建清涼寺請悟空住持

前蜀

改咸康來降勅孟知祥鎮蜀前蜀二主共三十五年

錢鏐封吳越國王

仍請署羣臣百官詔許之

閻延翰

字子逸審知長子同光四年莊宗遇弒建國稱王稟唐正朔立一年

丙戌

改天成明宗嗣源立

世本夷狄無姓父電為鴈門步將生子邈借烈太祖克用

養為子姓李名嗣源初帝至鄴都軍俄大譟曰請令公帝河北石敬瑭康義誠勸進嗣源乃令安重誨移檄會兵軍勢大盛嗣宗據大梁時從馬直都指麾使郭從謙不知睦王存人已死欲奉之作亂莊宗中流矢殂于絳宵殿無下善友欽燕下樂器覆莊尸焚之及嗣源即位拾莊宗骨石殯之時年已六十矣每夕官中焚香告天願早生聖人為生民主在位八年後為臣朱弘昭等殺之葬徽陵

閩

鑄先名延鈞，審知次子。初延稟與鑄謀殺

繼先志，無煩老兄重來。至長興二年，與鑄

擊不勝，為鑄殺之。鑄好事鬼神，道士劉守

丁亥

遼主德光名耀屈之

姓劉氏，阿保機第二子，誕於大部落東牙帳，生

時黑雲覆帳，火光照耀，有聲如雷。及長，雄

傑有大志，精騎射，平奚渤海二國。治世二

巳丑

荆從誨

字遵聖，興之長子，立

庚寅

改長興秦王李茂貞入朝去建國之制

楚希聲

字若訥，殷次子，判內外

楚希範

字子矩，殷之第四子，兄弟十人，嫡子

母表氏，色美，得寵而先立。振棄官為道士，聲卒，範立，改年應順，立十五年，壽四十九

孟知祥

是年封蜀王

○初，令雕九經印板

馮道監造

梅檀瑞像，自下二十一年，復在江南

福州長慶慧稜禪師示寂，枕之，益官人，姓孫氏，幼

歲稟性淳淡，年十三於蘇州通玄寺出家，登戒，歷

叅禪肆，唐乾符五年入閩中，謁西院訪靈雲，尚有

凝滯，乃之雪峯，因問從上諸聖傳受，一路請垂指

示，峯默然。師設禪而退，峯莞尔而笑，異日雪峯謂

師曰：我尋常向師僧道，南山有一條鱉鼻蛇，女諸

人好看，取對曰：今日大有人喪身失命，峯然之師

入方丈叅雲峯曰是什麼師曰今日天晴好普請自此酬問未嘗爽於玄旨乃述頌曰萬象之中獨露身唯人自肯乃方親昔時謬向途中覓今日看如火裏冰師來往雲峯二十九載至天祐三年受泉州刺史王廷彬請住招慶後閩帥請居長樂府之西院奏額曰長慶寺超覺大師上堂良久謂眾曰還有人相悉麼若不相悉欺謾兄弟去只今有什麼事莫要窒塞也無復是誰家屋裏事不肯當荷更待何時若是利根參學不到這裏來還會麼如今有一般行脚人耳裏捻滿也假饒收拾底還

當諸人行脚事麼廣說具如傳燈錄師兩處開法徒眾一千五百化行閩越二十七載後唐長興三年壬辰五月十七日歸寂壽七十有九臘六十

癸巳

吳越錢傳瓘字文寶錢鏐長子從父征伐而有大功為羣臣請立九年閩改龍啓

閩帝存厚明宗第六子帝疾薤葬王從榮作亂孟漢瓊斬之十一月詔徵宋王存厚一名

從厚入權天雄軍府事帝殂祕喪六日羣臣自鄴迎之即位於柩前甲午改元應順帝從朱弘昭等言從潞王存珂鎮河東王不受命命兵討之王慙衆而東帝奔魏州至衛依刺史王弘贄潞王入謁太后命王即位廢閉為鄂王遣弘贄子殿直密往鴆帝帝不飲鬱縊殺之後追謚閩帝在位

五月

甲午

四月改清泰末帝存珙

明宗養子本鎮州平山人姓王氏家世微賤母曰魏

氏明宗為騎將過平山掠得有子阿王已年千餘歲明養為己子号存珙長能騎射封潞王即位二年為石敬瑭外結契丹主政之帝幸室自焚壽五十一在位二年

蜀孟知祥

字寶胤姓孟氏荊州龍岡人祖察秉昭義節度父嶽磁州刺史其母

王氏夢日月生于太原後事唐封為蜀王明宗崩祥乃立國号蜀改年明德立一年六月有疾遂付子昶監國

是年二月功德司奏每年帝誕節諸州府奏薦僧

尼欲立講經科禪定科持念科文章議論科以

試其能不帝從奏

出繫年錄

乙未

許王

明宗幼子為契丹立之不逾月王遇害

蜀昶

知祥第三子初名贊祥卒昶立不改号治三十一年○知祥後

蜀二主四一

石晉

姓石氏王金德

雷氏曰

晉高敬瑭少帝丹主二姓三主一十一年

丙申

改天福高祖敬瑭

晉陽人父臬換雞本出西夷自朱耶歸唐從居山陰後隨克用

征伐有功官至洛州刺史生帝姓石不知因始明宗愛之以女妻之是為永寧公主為太原節度唐室既亂末帝從敬瑭鎮天平不行命兵討之石與桑維翰劉知遠等假兵契丹光破唐兵緣先父事光因乃滅唐築壇柳林即帝位改長與七年為天福元年十月兵至帝自焚十一月敬瑭入洛陽立八年崩壽五十一葬新安陵

閩昶

鑄之長子名繼鵬既立奉道乃殺李倣改元通文立四年為延義子殺之

丁酉

晉歲用金帛三十萬遺大遼

南唐昇

字正倫徐州人。世本微賤。父榮唐亂。不知所終。有姊出家為尼。出入

徐溫宅。與溫妻李氏同姓。昇身長七尺。為入溫厚。減吳溥而立之。年改昇元。壽

五十六。據雷氏曰。李唐金陵。江甯金陵。三主三九。

蜀

改年。○大遼。年改會同。國号大遼。

閩延曦

審知少子。既立。鑄大錢。以一當十。因出醉還。連重遇等。使壯士馬上

殺之。立四年。改元永隆。曠度民萬一千人為僧。

吳越王佐

字布立。瓘之子。立七年。壽二十。

南漢玢

初名洪度。龔之子。耀樞龜圖皆早死。玢立二年。改元光天。後為道庠

陳思潮等殺之。

南漢晟

初名洪熙。既殺玢。自立。封思潮等為功臣。改元乾和。立二十年。酒太

庚子

辛丑

壬寅

癸卯

甲辰

過卒。壽三十九。

改開運。少帝重貴

高祖猶子。祖有六子。皆亡。帝父敬儒。祖之兄也。早卒。高祖養帝

為子。故得立位。後三年。為契丹主耶律德光。長驅過河。入汴。攻之。帝出降。封負義侯。送至和龍

府。不知何年卒。在位三年。

右晉二主。凡十一年。

而漢繼之。

南唐璟

昇長子。立二十四年。改元保大。壽六十四。

照

羽火

是年。奮唐史成。劉煦撰授司空平章事。

并載佛祖異迹。

江南上元縣一民暴死。三日復甦。詣唐主具奏。入冥見先帝言。為宋齊丘所悞。殺和州降卒千餘人。冤訴。伏汝歸語。嗣君。凡寺觀鳴鐘。可延久。其聲吾受苦。唯聞鐘。則暫休。或能為造一鐘。尤善。吾在位

日常以于闐國遺我玉天王像藏於瓦棺寺佛左
膝人無知者汝以此為驗唐主遂詣瓦棺寺佛膝

得天王像感泣造一鍾於清涼寺鐫其上曰薦烈
祖考高皇帝脫幽出厄以玉像建塔葬蔣山出法苑

殷延政亦審知子延曦面番虛政數貽書諫
之乃立建州改國号雷氏曰延政号魏

魏改年天德止三年雷氏曰建州三年

契丹怒帝不上表稱臣乃大

乙巳 丙午 正月遼主德光入晉不一年獲民皆黥其面杜威

契丹張彥澤斬開而入帝懼迎拜于門契丹不
禮命左右執之彥澤傳遼主書與木石慰撫之
降晉帝為負義侯安置黃龍府即慕容岑氏和龍
城也契丹御酒宮受朝賀以國舅麻刺蕭翰留

守汴以天時向暑發大梁自白馬渡河盡驅百
僚赴常山至溱城得疾至殺胡林卒國人剖其
腹實益數斗載之
北晉人謂之帝邦

漢姓劉氏王 ○雷氏曰漢祖知遠隱帝

丁未 高祖知遠後更名曷其先沙泥部人移居太原帝

塘同侍明宗為禡將及立布晉于太原以帝為
侍衛親軍都虞候少帝進封太原王契丹臨京
師少帝被俘乃圖義幸二月即位於太原自稱
漢王擁兵入於汴殺許王與太妃兼晉二年春
卒在位
一年

乃晉開運四年也

遼世宗立諱院番名兀欲太祖孫東丹王

楚希廣字德本範同母弟既立三
年後為兄蕩兵伐而縊

戊申

己酉

改乾祐。○吳越係

璠子佐弟立一年為胡進思疑之廢囚于義和院迎俵立遷係東府

隱帝承佑

高祖二弟曰崇曰信崇子曰贊皆仕宦也高祖三子曰承訓承佑承勳嫡子訓

亡諸子尚幼以佑紹立信任倡優踈遠大臣時年十八時李業等伏甲於廣政殿因殺王章楊帝出城南趨村為伶人郭允明刺殺之壽二十就乾祐年号

吳越王俶

佐之弟字文德胡准

荆保融

字德長壽四十一歲

趙希萼

廣之兄殺廣而立明年隱帝崩京師大亂萼遂臣于李璟降封趙王

以軍政事任弟希崇崇亦臣璟環使邊鎬入趙遷馬氏于金陵

雲門文偃禪師示寂師始蘇嘉興人姓張氏初參

睦州蹤禪師州見來便閉却門師三扣門問誰師

云某甲州云作什麼師云已事未明乞師指示州

才開門師投入州擒住云速道速道師擬議州托

開云秦時轆轤鑽師從此悟入州即指師見雪峯

師至雪峯莊遇僧上山即教之云汝到山頭見和

上上堂眾才集便出搥腕立地云這老漢項上鐵

枷何不脫却其僧如教致問峯下座搗住云速道

速道僧無對峯云適來不是你語僧云是某甲語

峯云侍者將繩棒來僧云某在莊上見一浙中上

座教來恁麼問峯云大眾去莊上迎取五百人善

轆轤各達
各歷

遲
利直

知識來師上山才見雪峯便問因什麼得到與麼地師乃低頭從此契合決擇久之遍訪諸方晚游廣中靈樹知聖禪師久遲師來比至亦率衆門迎命居第一座樹將終遺書囑廣主請師繼踵住持師上堂僧問如何是一代時教師云對一說問如何是法眼師云普問如何是諸佛出身處師云東山水上行問乞師指箇入路師云喫粥喫飯問如何是透法身句師云北斗裏藏身問如何是不掛唇吻一句師云合取狗口問如何轉動即得不落階級曰南斗七北斗八師乃云眼睫橫亘十方眉

睫
步即

毛上透乾坤下透黃泉須彌山塞却你咽喉還有會麼麼若會得拽取占波國與新羅國闢額又云盡乾坤一時將來著女眼睫上你諸人聞恁麼道不敢望你出來性燥把老僧打一擗且緩緩子細看是有是無是箇什麼道理直饒向這裏明得若遇衲僧門下好槌脚折汝若是箇人聞說道什麼處有老宿出世便驀面唾汚我耳目汝若不是箇脚手才聞人舉便當荷得早落第二機又曰直得觸目無滯達得名身句身一切法空山河大地是名名亦不可得喚作三昧性海俱備猶是無風阻

匝之波直得忘知與覺覺即佛性矣喚作無事人更須知有向上一竅在又曰彈指聲咳揚眉瞬目拈槌豎拂或作圓相盡是撩鉤搭索佛法二字未曾道著道著即撒屎撒尿又曰光不透脫有兩般病一切處不明面前有物是一又透得一切法空隱隱似有箇物相似亦是光不透脫又法身亦有兩般病得到法身為法執不忘已見猶存坐在法身邊是一直饒透得法身去放過即不可子細檢點來有什麼氣息亦是病又曰直得乾坤大地無纖毫過患猶是轉句不見一色始是半提直得如

此更須知有全提時節師居靈樹久之遷韶陽雲門廣主屢請入內問法待以師禮往來學徒不下千人臨終以表辭廣主垂戒學徒端坐而逝遺命塔全身於方丈後一十七年至宋乾德三年雄武軍節度推官阮紹莊夢師以拂子招之曰為吾寄語秀華宮使特進李托奏請開塔吾父蔽塔中宜令暫出李得其語即以奏聞尋有旨令韶州刺史同詣雲門開塔果見師真容如生鬚髮皆長李復上其事廣主迎真身赴闕留內庭供養逾月送歸于塔謚大慈匡真宏明禪師有法嗣澄遠焉

庚戌十一月郭威兵至上為亂兵所殺

右漢二主四年郭威篡之

周姓郭氏王木雷氏曰周祖郭威世宗恭帝三主九年

辛亥太祖威更名廣那州唐山人父簡事晉為順州刺史帝少孤貧落鬼無拘年十八有

權勇嘗殺人路徙囚李繼韜惜其勇而縱之後漢祖命為樞密使隱帝聽李業譖遣供奉孟業齋密詔殺帝帝乃率兵應出宿七里寨眾潰隱回至玄化門劉銖在門上問隱左右兵馬何在因射左右隱回繼西北至趙村為伶人郭允明刺殺之帝迎劉曼子贇立之未至兵士馮道等擁帝而立太后廢贇為湘陰公以威監國受漢太后詔即位出漢宮器碎於庭詔曰自今紛華之物毋得入宮

帝嘗屢戒晉王曰我死當衣以紙衣改元廣順

遼穆宗璟番名兀律太宗長子是年九月世宗不殺為燕王述

執等弒於新州火神湫遂即位改元應曆至戊辰即宋太祖開寶元年九月為庖人弒于黑山下治十八年

東漢叟姓劉氏漢祖母弟初名崇為太原守乾德四年立三年

世尊示滅一千九百年矣

壬子汝州寶應南院顯禪師示寂師系河北人嗣興化

獎禪師上堂示眾曰赤肉團上壁立千仞時有僧問赤肉團上壁立千仞豈不是和上語師曰是其僧乃掀倒禪床南院曰這瞎驢便棒又云諸方只具啐啄同時眼不具啐啄同時用有僧便問如何是啐啄同時用云作家不啐啄啐啄同時失僧云

此猶未是其甲問處云汝問處作麼生僧云失師
乃打僧不肯後於雲門會下聞二僧舉前因緣一
僧云當時南院棒折那僧聞此語忽然大悟方見
南院答話處僧却回汝州省觀值師迂化乃訪風
穴穴認得便問上座是當時問南院啐啄同時話
底麼僧云是穴云會也未僧云會也求云你當時
作麼生會僧云某甲當時如燈影中行相似穴云
女會也

癸丑

拈檀瑞像此下一百七十七年在汴京

九經印板方成印行之

甲寅

世宗榮字茂先

太祖猶子本姓柴氏亦唐山人太祖祖妻兄守礼之子後從姑養太祖

家遂命爲子官至潭州節度使祖崩祕喪迎帝立於柩前威震夷夏廢諸寺宇年三十而崩葬慶陵治

改顯德

趙匡胤爲宿衛將

刺漢承鈞

曼之次子去年曼崩遂立拜丑

三年不改号

乙卯

二月詔廢天下無勅額寺院凡三萬三百三十六

所存者二千七百所廢銅像爲錢時鎮州銅大悲像感應異常州之士民願以錢貸制不許及毀其背群力皆墮腕而死遂停其半○制出家者必俟父母命郡國歲造僧帳凡死亡還俗者以時閑落之僧帳自此始

通監

丙辰

詔

葉大梁城
行欽天曆

○詔華山隱士陳搏入見問以飛升

黃白之術搏荅曰天子富有四海不應問遣還山

丁巳

東漢年改天會○

戊午

顯德五年七月十七清涼文益禪師示疾江南國主親降候問越旬有五日沐浴辭衆端坐而逝停龕三七顏兒如生公鄉李建勛而下素服奉全身建塔謚曰大法眼禪師餘杭人姓魯氏初究教乘傍探儒典游方遇羅漢琛禪師頓明大事久之卓庵而居次歷江外至臨川州牧請住崇壽開堂示



衆曰諸人既盡在這裏山僧不可無言與大衆奉

一古人方便珍重便下座時有僧出禮拜師曰好

問著僧擬伸問師曰長老未開堂不荅話有僧自

長慶來師舉先長慶偈問曰作麼生是萬象之中

獨露身僧舉一指師曰恁麼會又爭辨曰如和尚

尊意如何師曰喚什麼作萬象曰古人不撥萬象

師曰萬象之中獨露身說什麼撥不撥僧豁然大

悟迷偈投誠自是諸方會下存知解者翁然而至

始則行行如也師微以激發皆漸而服膺海參之

衆常不下千計上堂大衆立久師乃謂曰只如便

行
合

散去還有佛法也無試說看若無又來這裏作麼
若有大市裏人聚處亦有何須到這裏諸人各曾
看還源觀百門義海華嚴論涅槃經諸多冊子阿
那箇教中有這箇時節若有試舉看莫是恁麼經
裏有恁麼語是此時節麼有甚交涉所以微言滯
於心首皆為緣慮之場實際居於目前翻為名相
之境又作麼生得翻去若也翻去又作麼生得正
去還會麼莫只恁麼念冊子有什麼用處未幾道
行聞於江表金陵國主重師之道迎居報恩号淨
慧禪師次迁清涼朝夕開法諸方叢林咸仰風化
致異域有慕其法者涉遠而至嗣子德韶國師文
遂江南國導師慧炬高麗國師傳化焉師調機順
物斥滯磨昏凡舉古德三昧或呈解請益皆應病
與藥隨根悟入者不可勝紀尋以韶國師等化旺
東南遂翊法眼宗旨

杭州永明寺道潛禪師河中府人也姓武氏初謁
臨川淨慧禪師一見異之便容入室一日淨慧問
子於參請外明什麼經師曰華嚴經慧曰總別同
異成壞是何門攝屬師曰文在十地品中據理則
世出世間一切法皆具六相慧曰空還具六相也

懵母

無師懵然無對慧日子却問吾師乃問空還具六相也無淨惠曰空師於是開悟踊躍禮謝日子作麼生會師曰空淨慧然之異日因四眾士女入院淨惠問師曰律中道隔壁聞釵釧聲即名破戒見觀金銀合雜朱紫駢闐是破戒不是破戒師曰好箇入路慧日子向後有五百羗徒而為王侯所重在師尋禮謝辭駐錫於衢州古寺閱大藏經而已忠懿王命入府受菩薩戒署慈化定慧禪師建大伽藍号惠日永明請居之師曰欲請塔下羅漢銅像過新寺供養王曰善予昨夢十六尊者乞隨師

入寺何昭應之若是仍於師號加應真二字師坐永明大道場常五百眾師上堂曰佛法顯然因什麼却不會去諸上座欲問佛法但問取張三李四欲會世法則參取古佛叢林無事又立僧問至道無難借言顯道如何是顯道之言師曰切忌揀擇問如何是慧日祥光師曰此去報慈不遠曰恁麼則親蒙照燭也師曰且喜沒交涉

戊午

春帝欲濟江南唐璟

大懼遣兵部陳寬非奉表割江北十四州地用周正朔而降

荆保勗

字省躬、誨之第十子、在位四年、壽五十九矣

趙太祖光胤

連年征討有功、授歸德節度使、殿前都點檢

巳未

六月世宗北伐病背癰糜潰而崩於道

恭帝崇訓世宗第四子七歲即位命宋太祖趙光


胤討河東軍情忽變有飛語云不如扶點檢爲


天子遂立宋祖降封帝爲鄭王立不一年

右周三主凡十一年

比丘一清書

佛祖歷代通載卷第十七





不 許 複 製

NOT TO BE REPRODUCED

東京大学東洋文化研究所